

**SAMPLE QUESTION PAPER
TERM I (2021-2022)**

**SUBJECT : MIZO (098)
CLASS : X**

Time : 90 Minutes

Full Marks : 40

Section A (Reading Comprehension)

1. A hnuaiia thu hi ngun takin chhiar la, a tawpa zawhnate hi chhang ang che.

A: Hnam dinchhuah duhna avanga inthural leh zau zawka inhung khawm a, hnam khat din chhuahna tur chuan rahbi thui tak zawh a ngai thin. Chumi rahbi hrang hrangte thural taka zawh thiam tur chuan mihring rilru lam thiam taka buatsaih a ngai bawk. Chu rilru lam buatsaihna tura hmanraw pawimawh berte zinga mi chu hla phuahtute an ni.

Tlang hrang hrang luaha khawsa, hnam hrang hrangte, zau zawka dinchhuahna tura hmanraw pawimawh chu tobul thuhmun te, hming tlanglawn neih te, pipu atanga rochun ram neih te, culture huang khata tlat khawm leh tawng thuhmun leh thu leh hla zem khat zen tlan te a ni. Hengte hi inpumkhatna tura hmanraw pawimawh em em an ni. Bel vawtuin hlum hmanga a duh ang anga bel a siam angin, heng hmanruate hi thiam taka hmangtute chuan ram leh hnam inthural tak an din chhuak thin. Chutianga hla leh rimawi hmanga Mizo hnam leh ram tana bel vawtu pawimawhte zinga pakhat, Zofa hmun hrang hanga chengte zai khata luankhawmtirtu leh huikhawmtu chu Rokunga a ni.

Ram hmangaihna leh hnam tanna chi hi neitu rilru leh thinlung awmna hmun atang lo chuan a tiak tak tak thei lo va; lo tiak pawh ni se, buh hi thehtu tehkhin thu ang mai khan, diptu an awmna hmunah chuan a thang tha thei lo va, a tawpah dip ralin a awm leh mai thin. Chuvangin, “Ka” kan tih theih ram, pipute atanga kan rochun ram tluka pawimawh ram engmah a awm lo. Kan ram hi eng anga chhengchhia pawh ni se, a chhunga chengten rilru taka “Ka” kan tih theih ram awm chhun a nih avangin kan tan ram thianghlim ber a ni. Chiang taka chumi dinhmun hlaa tarlangtu leh zaipuitu, mite rilrua ram leh hnam tanna leh hmangaihna tuhtu pakhat chu Rokunga hi a ni.

A chhanna dik ber thlang rawh. (I duh duh 4 chhang ang che)

1x4=4

a) Zofate tana Rokunga hlutna chu eng ber hi nge ni?

- i) Hla phuah thiam tak a nihna hi a ni.
- ii) Zai ngaina mi tak a nihna hi a ni.
- iii) Mite rilrua ram leh hnam tanna leh hmangaihna tuhtu a nihna hi a ni.
- iv) Hla tam tak phuahtu a nih avangin Zofate tan hian a hlu a ni.

b) Hnam dinchhuahna tura pawimawhte zingah a eng ber hi nge tel lo?

- i) Hnam tobul thuhmun.
- ii) Hming tlanlawn neih.
- iii) Thu leh hla zem khat zen.
- iv) Chhungkua inhmangaih tawn.

c) Ram hmangaihna hi eng atangin nge a lo tiah thin?

- i) Neitu rilru leh thinlung awmna hmun atangin.
- ii) A ram chhunga cheng nihna atangin.
- iii) Mi rama chengte atangin.
- iv) Thu leh hla chhiar zau atangin.

d) Hnam hrang hrang tana ram thianghlim ber eng nge ni?

- i) Ram changkang leh hausa a ni.
- ii) Ka ta kan tih ve theih ram hi a ni.
- iii) Ram mawi leh thianghlim hi a ni.
- iv) Kan chhung leh khatte chenna ram hi a ni.

e) He thuin a sawi danin hlaphuahtute pawimawhna eng nge ni?

- i) Mi lunglengte sak tur hla tam tak an phuah avangin.
- ii) Thu leh hla lama kuthhuak an neih tam avangin.
- iii) Hnam inpumkhatna kawnga an thawh hlawk em avangin.
- iv) Zaithiamten hla sak tur tha tak tak an neih phah avangin.

B: Tunlajah tawng tihdalna thlipuiin min nuai vel a, engtin nge Mizo tawng hi kan humhim ang tih hi ngaihtuah tham tak a ni ta. Kan mi hlui kal ta pakhat chuan, “Tawng hi a hmangtu an tam chuan tawng dik a ni mai,” tiin a lo sawi tawh a. Hei hi thui tak chu a dik theih dan a awm ngei ang. Amaherawhchu, tawng hi a lo piang thar ve zel a, chu chu thalaite pawhin an bawh deuh bik zel bawk a, a hmangtu pawh an tam thei ngei bawk. Chutih lai huna khawlai tawng ngat phei chu a hmangtu tam mah se a dam rei lo hle. Heng ‘nguar’ tih te, ‘a sangau hle mai’ tilte hi a hun lai chuan mi tam ber hman a tih theih hial a ni. Amaherawhchu, tuanah chuan a hrathiam lo hi a tam zawk an ni tawh ngei ang. Chuti ni se, a hmangtu tam apiang kha tawng dikah kan pawm thei zel ang em? Tunah chuan tawng thi a ni ve tawh si. Hetiang hi tawng dikah pawm zel dawn ta ila, kan Mizo tawng hi kan tikhawlo zo ang a, kan tawng a mumal loh chuan a nghawng tur chu kan hnam hi a ni ngei ang.

A tam lam apiang hi a dik zel ang em? Mizo upate chuan, “A hniak tak lam apiang aw,” tih hi an sawi thin dan a ni. Tunlai thlirna atang pawhin a dik hmel riauvin a ngaih theih. Chhungkaw rorelna pawh hi a tam lam thu ang zelin aw, tih hi dik hmel viauvin lang mah se a dik ngawt lem lo. Khawvelah hian mifing aiin fing lem lo an tam zawk a, mi thiam aiin mithhiam ni lo an tam zawk bawk. Chuti a nih si chuan a tam lam thu apiang a that zawk ziah loh chang a awm ve tho dawn tihna a ni.

Mizo tawng chungchangah pawh hian ngaihtuah peih leh chik tak aiin ngaihtuah peih vak lo, ti mai mai hi a tam zawk kan ni ngei ang. Heng kan Mizo tawng chik peih leh duhtui takte hian mual min liam zawhsan ta se la, engtin

nge Mizo tawng hi kan humhim ang tih hi ngaihtuah tham tak a ni ngei ang. Mizo Academy of Letters hi awm lo ta sela, kan tawng humhimna kawngah hian kan dal zo mai ang em? Chuti ni se, Mizo chi peng hrang hrang inpumkhatna te, Mizo hnam humhimna kawngah te hian engin nge hrui khat min vawntir dawn? Kohhran leh politics te hi em ni ang? Mahni kohhran pawl bik tih leh chi bing politics a awm chhung hi chuan Mizo hnam humhimna kawngah hian hma kan sawn vak awm lo ve. Mizo tawng humhimna tluka Mizo hnam min phuarkhawmtu hi thil dang a vang viau awm e.

Heng zawhnate zinga i duh duh pali chhang rawh.

1x4=4

- a) 'A hniak tam lam apiang aw' tih awmzia han sawi teh.
- i) A tam zawk ngaihdan zui zel hi a tha e tihna a ni.
 - ii) Mipui tamna hmuna awm hi a tha e tihna a ni.
 - iii) Mi tam tak kal khawm ang u tihna a ni.
 - iv) Hniak tam deuh awmna hmuna sawina a ni.
- b) Tawng thi tih awmzia eng nge ni?
- i) Khawlai tawng sawina a ni.
 - ii) Tawngkam mawi lo leh hawihhawm lo sawina a ni.
 - iii) Tawngkam hman tawh ngai loh sawina a ni.
 - iv) Mitthi tawhte thusawi tihna a ni.
- c) Mahni hnam tawng humhalh hi....
- i) Tawng inhriat pawhna atan a pawimawh.
 - ii) Tunlai atan chuan a tangkai tawh lo.
 - iii) Zirlaia hmasawna kawng pawimawh ber a ni.
 - iv) Hnam min phuarkhawmtu pawimawh tak a ni.
- d) Tawng thar lo chhuak apiang tawng dika pawm zelin a nghawng theih chu eng nge ni?
- i) Tawng tihausatu a ni.
 - ii) Mahni hnam tawng humhalhna tha tak a ni.
 - iii) Hnam tawng tihkhawlohna a ni.
 - iv) Tawng humhalh thu-ah nghawng tha lo a nei lem lo.
- e) 'Amaherawh chu' tih thumal hi.....
- i) Adjective thumal a ni
 - ii) Conjunction thumal a ni.
 - iii) Post-position thumal a ni.
 - iv) Interjection thumal a ni.

Section B (Grammar)

2. A kar awlte hi tawng upa a chhanna dik ber hmangin dah khat rawh. (I duh duh 3 chhang ang che) 1x3=3

- a) A fin dan hi a _____ a, ka ngeih zawng a ni lo.
i) fng kherek ii) ar tial fin
iii) fng uchuak iv) fng phakar
- b) Dawp pawh a ngai lo, _____ tih a nei zova, an thuruk zawng zawng a puang vek.
i) chhimbu dawi ii) thu zep thei lo
iii) thleng tlawr zuan iv) buichhia laih lohvin a inpuang
- c) Krismas chu _____ a ni leh ta der mai.
i) kum sul vei ii) hlate khua
iii) dam rei nghah thil iv) serh leh sang
- e) I hnathawk ve hi i _____ hnathawh a, hmuh i hrehawm.
i) thatchhia ii) zawi lutuk
iii) kawhmawh bawl iv) lu pan hnathawh

3. A chhanna dik ber thlang chhuak rawh. (I duh duh pahnih hhang ang che) 1x2=2

- a) Thil neih engmaha hmang lo va, kawl ve mai mai.
i) Neih thinglung khawng. ii) Mena thlak
iii) Rula raw neih iv) Mau mit put
- b) Ramhnuai kawng awm lova vah hi.
i) Sa pa vah ii) Sa pa tal
iii) Ramva chal iv) Riahbuk soal
- c) Rim tak leh hah taka hnathawk a, chauh phah hial ang hi.
i) Thifahnuakchat ii) Tih tak tak arpa tuihal
iii) Theihpalingkawh iv) Chhum lo chat lo

4. A hnuaiia thu-ahte hian a dik ber thlang chhuak rawh. 1x3=3

- a) i) 'Bu' hi noun a ni a, a hmaa noun dang nen ziah zawm lo va a hranga ziah tur a ni.
ii) 'Bu' hi verb a ni a, a hmaa thu nen ziah zawm lovin a hranga ziah tur a ni.
iii) 'Bu' hi noun a ni a, a hmaa noun dang nen ziah zawm tur a ni.
iv) 'Bu' hi verb a ni a, a hmaa thu nen ziah zawm tur a ni
- b) i) 'Mi dang an la awm em?' tiha 'dang' ang chi hi adjective a ni a, a hmaa thu nen ziah zawm zel tur a ni.
ii) 'Mi dang an la awm em?' tiha 'dang' hi adverb a ni a, a hmaa thu nen ziah zawm tur a ni.
iii) 'Mi dang an la awm em?' tiha 'dang' ang chi hi adjective a ni a, a hmaa thu nen ziah zawm loh tur a ni.

iv) 'Mi dang an la awm em?' tiha 'dang' hi adverb a ni a, a hmaa thu nen ziah zawm loh tur a ni.

c) i) Adjective leh adverb-a hman theih ve ve 'sang' hi a hmaa thu nen ziah zawm zel tur a ni.

ii) Adverb leh conjunction-a hman theih ve ve 'sang' hi a hmaa thu nen ziah zawm lovin a hranga ziah zel tur a ni.

iii) Adjective leh adverb-a hman theih ve ve 'sang' hi a hmaa thu nen ziah zawm lo va a hranga ziah zel tur a ni.

iv) Adverb-ah chauh hman theih 'sang' hi a hmaa thu nen ziah zawm zel tur a ni.

5. A chhanna dik ber thlang chhuak rawh. (I duh duh 3 chhang ang che) 1x3=3

a) Mood a danglam pawha a hawrawp dang chuang lo te chu....

i) ngiat, duap, puar, sual.

ii) bang, chhia, kap, pua.

iii) khel, ngeng, chawl, bal.

iv) bia, bawk, kang, hang.

b) A dik ber thlang rawh.

i) I puan su chu a fai tha em?

ii) Puan i suk fai thiam lo em mai.

iii) I puan suk chu a fai tha em?

iv) Puan i suk fai thiam em?

c) A dik ber thlang chhuak rawh.

i) I pheikhawk chu a chhia nasa hle elo?

ii) I pheikhawk chu a chhe nasa hle elo?

iii) I pheikhawk chu a chhiat nasa hle elo?

iv) I pheikhawk chhia dan chu a va nasa ve.

d) A dik lo ber thlang chhuak rawh.

i) Dar engzatah nge school in ban thin?

ii) Dar engzatah nge school in bang thin?

iv) School ban hunah ka rawn kal ang.

iv) School in bang dawn tawh em?

6. A dik ber hmangin a karawl hi dah khat rawh. (I duh duh 4 chhang rawh) 1x4=4

a) Hmeichhiain puan an _____ a, mipain an veng thin.

i) sin ii) bih

iii) feng iv) silh

b) Pen cheng zanga man chu eng ang _____ a tha ni ang maw!

i) fakau ii) lek

iii) chiah iv) tiat

c) An kohhranah chuan a _____ chan a chang khawp mai.

- i) tatu
- ii) intineitu
- iii) neitu
- iv) intithu

d) I vaki _____ chu a nalh reuh hle mai .

- i) chawm
- ii) vulh
- iii) enkawl
- iv) khawi

e) Mau kha chemin han _____ bung teh.

- i) chek
- ii) ek
- iii) sat
- iv) hlep

Section C (Literature)

7. Heng zinga i duh duh 4 hi a chhanna dik ber thlang rawh.

1x4=4

a) Zirtu Kawng tih hla phuahtu tu ber nge ni?

- i) Rokunga
- ii) Selet Thanga
- iii) R L Kamlala
- iv) V Thangzama

b) Ram Hmangaihna hla phuahtuin khawvel thang chhuak tura a duh kha eng thu nge?

- i) Halleluiah!
- ii) Chungnungbera Lalna Ram
- iii) Amen! Amen!
- iv) Cungnungbera Rorelna Ram

c) Chunnemi tih hlain a tarlan danin nu tha leh zaidam lanna eng nge ni?

- i) Chhungkhat laina leh thenrual thate an inah an tlangnel.
- ii) Anmahni chhungkua chauh an ngaihtuah.
- iii) In chhungah fate chauh an hlim.
- iv) Mi dangin an ina len nuam an ti lo.

d) Thlangtiang thlifim kan belh peih tak loh chhan chu eng nge ni le?

- i) Kan ramin hmasawna, dinhmun sang zawka kan awm tak vang a ni.
- ii) Ralin min rawn beih fo vang a ni.
- iii) Hlawkna kan chan phah loh vang a ni.
- iv) Kan ramin hmasawna kawng zawh tur kan hriat loh vang a ni.

e) Zirtu Kawng tih hla phuahtu hian zirlaite hi tute nen nge a tehkhin?

- i) Zirtirtute nen.
- ii) Nu leh pate nen.
- iii) Loneitute nen.
- iv) Sumdawngte nen.

8. Heng zinga i duh duh 4 hi a kar awlte a chhanna dik ber hmangin dah khat rawh. 1x4=4

a) Thlangtiang thlifim lo leng velin _____ min pe.

- i) hlimna
- ii) hahdamna
- iii) muanna
- iv) finna

- b) Chhim kil, hmar kil _____ rawh se.
 i) thangkhawk ii) thangchhuak
 iii) fanchhuak iv) hrutchhuak
- c) Chung Pathian _____ i tan kan hlan.
 i) duhsakna ii) hmangaihna
 iii) malsawmna iv) hualhimna
- d) Vau leh _____, fak hlawh chang ni hi.
 i) hrin ii) zilh
 iii) hauh iv) hrilh
- e) Thlangtiang thlifim tih hla phuahtu chu _____ a ni.
 i) Rokunga ii) R L Kamlala
 iii) Selet Thanga iv) V Thangzama

9. I duh duh 3 hi a chhanna dik ber thlang chhuak rawh. 1x3=3

- a) In zirlaiin hlawhtlinna daltu lian tak a tih kha eng nge ni?
 i) Thatchhiatna a ni. ii) Beidawnna a ni.
 iii) Thinchhiatna a ni. iv) Dawihzepna a ni.
- b) Mizo hlui chhungkuaa pa berin in chhunga ro a rel dan han sawi teh.
 i) Tharum leh theihna hmangin ro a rel.
 ii) Mi dangte rawn chungin ro a rel.
 iii) Mahni inrintawkna rilru fim tak hmangin ro a rel.
 iv) Lalin thuneihna a pek angin ro a rel.
- c) Zoram Indopui Pahnihnain eng angin nge Zoramah nghawng a neih?
 i) Indona a tawp hlen vang vang.
 ii) He indona hian rah tha a chhuah em em lo.
 iii) Mi tam tak ramvah lamah thangharhin sa an kap nasa sawt.
 iv) Mi tam tak an piangthar a, nungcha humhalh turin an intiam.
- d) 'Nihna' tih ziaktu sawi danin tu nge kan tluk loh pa chu?
 i) Dinhmun tha chang tura tumruhna leh huaisenna nen harsa tak chung pawha bei hram hram mi.
 ii) An dinhmun a that dawn phawt chuan mi dang pawisa lem lova che thin.
 iii) A thim a var pawh thlu lova thawk bawrh bawrh mi.
 iv) A finna leh thiamna avanga dinhmun tha chang.

10. A chhanna dik ber hmangin a kar awlte hi dah khat rawh. 1x3=3

- a) Nihna tih ziaktu chu _____ a ni.
 i) Darchhawna ii) R L Thanmawia
 iii) C Chhuanvawra iv) Vanneihtluanga

b) Nungcha humhalhna kawnga pawimawh ber chu _____ a ni.

- i) nungcha tihlum thinte man zel hi
- ii) thing leh mau humhalh hi
- iii) thinlunga sanctuary siam hi
- iv) rilrua sanctuary neih hi

c) Nun Kawng tih ziaktu sawi danin mi tinin tih tur kan neih theuh chu _____ a ni.

- i) mahni tana theih tawp chhuaha hnathawh
- ii) mahni chhungkaw hmangai taka hnathawh
- iii) nungcha humhalhna kawnga tan lak
- iv) khawtlang leh ram tana thil tha kan tih ve theih tawk tih

11. I duh duh 3 hi a chhanna dik ber thlang rawh.

1x3=3

a) Lu hrum tih awmzia han sawi teh.

- i) Lu na tihna a ni
- ii) Lu lian leh thur sawina a ni
- iii) A bul bawk tha sawina a ni
- iv) A pawnlang chhia/tak lo sawina

b) Lemchang nun tih awmzia han sawi teh.

- i) Drama chang thinte nunzia sawina.
- ii) Film chang thiam sawina
- iii) Mahni nihna dik tak ang lova lang chhuak thinte
- iv) Nun pawnlang sawina

c) 'Thlawhbaw ram zuah tui' tih hi eng nge a awmzia?

- i) Lova neih tawh hnu ram, rei tak khawih lova dah hi a hi.
- ii) Ramngaw, lova la neih ngai loh hi a ni.
- iii) Lova neih hnu, a ram a that em avanga a hnu lawka neih leh hi a ni.
- iv) Ramngaw, tui awm thatna hmun hi a ni.

d) 'Sadai ek' tih hi eng tihna nge?

- i) Daidep ek sawina a ni.
- ii) Ramsa ek sawina a ni.
- iii) Changpat ek sawina a ni.
- iv) Daia awm thin ran ek sawina a ni.

.....

